



YOSHLAR OVOZI

№47 (16352) 2019-YIL 12-IYUN, CHORSHANBA

O'zbekiston yoshlar ittifoqining ijtimoiy-siyosiy, iqtisodiy, adabiy-badiiy gazetasi

www.yoshlarovozi.uz

yoshlarovozi@umail.uz

@Yoshlarovozi

Сайтнинг ўзини ушун QR-кодни телефонингиз орқали сканер қилинг.

ЎЗБЕКИСТОН ПРЕЗИДЕНТИНИНГ ШҲТ ВА ОҲИЧК САММИТЛАРИДА ИШТИРОКИГА ДОИР

Ўзбекистон Республикаси Президенти жорий йил 13-14 июнь кунлари Бишкек шаҳрида бўлиб ўтadиган Шанхай ҳамкорлик ташкилоти ҳамда 15 июнь кунини Душанбе шаҳрида бўлиб ўтadиган Осиёда ҳамкорлик ва ишонч чоралари бўйича кенгашининг навбатдаги саммитларида иштирок этди.

ШҲТга аъзо давлатлар раҳбарлари кенгаши мажлисининг кун тартибидан устувор йўналишларда, жумладан, сибесат, иктисодиёт ва хавфсизлик соҳаларида кўп томонлама ҳамкорликни янада ривожлантириш ва мустаҳкамлаш масалалари ўрин олган. Халқаро ва минтақавий аҳамиятга эга долзарб масалалар юзасидан ҳам фикр алмашилади.


Саммит якунида Бишкек декларацияси қабул қилиниши, шунингдек, ташкилот доирасидаги кўп қиррали шерикликни, жумладан, худудлараро

алоқаларни, рақамлаштириш ва аборот-коммуникация технологиялари, экология, туризм, спорт ва бошқа соҳалардаги ҳамкорликни кенгайтиришга қаратилган ҳужжатлар имзоланиши режалаштирилган.

Осиёда ҳамкорлик ва ишонч чоралари бўйича кенгашининг бешинчи саммити “Хавфсиз ва янада раванг топган минтақа сари ягона ёндашув” мавзуси остида ўтади. Унда кенгашга аъзо ва кузатувчи мамлакатлардан, шунингдек, халқаро ва минтақавий ташкилотлар вакиллари иборат 30 дан зиёд делегация иштирок этди.

Ўзбекистон Президенти Бишкек ва Душанбе саммитларидаги иштироки доирасида хорижий делегациялар раҳбарлари билан катор икки томонлама учрашувлар ҳам ўтказилди.

ЎзА



» Eksklyuziv

“ТАЛАБАЛАР БАҲОРИ”:

бир макон, кенг майдон ва ўзаро дўстлашиш имконияти

Россиянинг Ставрополь шаҳри мезбонлик қилган “Талабалар баҳори” III халқаро фестивали 23 мамлакат ёшларини дўстлик ва ҳамжиҳатлик руҳида бирлаштирди. Ушбу йirik лойиҳа доирасида бир қанча форум ва танловлар ўтказилиб, уларда Ўзбекистондан 46 нафар йигит-қиз фаол иштирок этди. Таъкидлаш керак, россиялик ёшлар учун анъанавий ҳисобланган “Талабалар баҳори” фестивали бу сафар нафақат халқаро мақомга кўтарилгани, балки ЮНЕСКО шафелигида ўтказилгани билан ҳам алоҳида аҳамият касб этди. Фестивалда ШҲТ ҳамда БРИКСга аъзо давлатларнинг етакчи ёшлари мамлакатлараро алоқаларни мустаҳкамлашга қаратилган таклиф ва гояларини илгари сурди, сиёсий макондаги долзарб масалаларда ўзаро фикр алмашиб, янги лойиҳалар тақдирини ўтказди.



Айтиш керак, бундай мулоқотлар давлат ва ҳукумат раҳбарлари даражасидаги диалоглардан кескин фарқланади. Аввало, самимийлиги ва ҳар қандай манфаатдан холилиги билан. Йўқса бир-бирини муқаддам танимасан, турли тилларда сўзлашувчи ва турфа маданиятларга мансуб минглаб ёшлар — африкалик хитойлик, вьетнаму ўзбек, монгол ва шри-ланкаликларнинг қисқа фурсатда дўсту бирозларларга айланиб, кенг даврада рақсга тушиши, қўйиники, катта стадионда русларнинг

машҳур “Малинка”сини жўр бўлиб қўйлашини қандай тушунтириш мумкин. Ҳа, бу қалар жўшқинлик, дўстона муҳит ва ранг-баранглик фақат ёшлик байрамларига хос. Халқаро фестивал Ставрополь шаҳридаги “Динамо” стадионидан старт олди. Очилиш маросими шу қалар юксак даражада тайёргарлик қўрилгани, уч соатлик шоу дастурини ўн миндан зиёд томошабин кинрик қўймай, хайрат билан кузати. Рус халқининг миллий колорити,

ўтмишно бутунни акс этувчи сахна кўринишлари, махсус эффектлар, муракаб трюклар, операдан тортиб, рол услубига-ча ижро этилган куй-қўшиқлар стадионни “портлатиб” юборди. Фестивалнинг асосий йўналишлари — ижтимоий дипломатия, журналистика, таълим, маданият, санъат ва спортни бадиий талқинда ифодаб бера олган режиссёрларнинг маҳоратига қойиб қолмай илоқинг йўқ.

(Давоми 3-саҳифада).

» Oynadan o'pkalama

ЎЗОЛМАГАН ОТГА УЗАНГИ БАҲОНА

ёхуд етакка муҳтож етакчилар



баб кела олмаслигини билдик. Афсуски, 2017 йилда фаолият бошлаган етакчи бажарилган ишлари бўйича (агар нимадир иш бажарган бўлса!) ҳужжат юритмаган. Ёшлар иттифокнинг туман кенгаши бир неча бор огоҳлантиришига қарамай, фаолият юзасидан бирор марта маълумот тақдим этмаган.

Буни карантки, тумандаги 45-мактабнинг етакчиси Истам Арабовни ҳам икки соат кутдик. Мактаб маъмурияти уни хонадонига чақирди. Лекин у билан кўришиш насиб этмади. Мактаб мутасаддилари топа олмаган етакчи ёшларнинг орзу-хавасига кулоқ тутишига ишониб бўлмайди. Ҳужжатлар эса буни тасдиқлади. Иттифокнинг туман кенгашидаги бор-йўқ маълумот Арабовнинг қачон иш бошлагани ҳақидаги бир эндик қоғоз ва 4 дона 3x4 ўлчамли фотосурат, холос. Шу ўринда савол туғилади, етакчининг фаолиятини назорат қилиши керак бўлган мактаб директори уни истаган пайтда топа олмас, туман кенгаши етакчини маъсулиятсизликда айблашдан нарига ўтмас, ёшлар тақдирини билан ким қизиқсиз?

Мазкур мактаб биноси 2014 йилда қурилган. Ачинарлиси, орадан ҳеч қанча вақт ўтмай таъмирга муҳтож ҳолатга келиб қолган. Айни пайтда мактаб қошида яна 120 ўринга мўлжалланган икки қаватли бино тикланмоқда. Бу яхши албатта, аммо спорт залидан қурувчилар ётоқ, ошхона сифатида фойдаланаётганига нима дейсиз?! Бунга мактаб директорининг ўзи руҳсат берган. Ёшлар ҳуқуқини ҳимоя қилиши, уларга зарур шароит яратиб берилишини таъминлаши керак бўлган етакчи эса ўз ташвиши билан банд.

— Апрель ойида ҳаво совуқ эди, қурувчиларни мактаб ҳовлисига ёки бирон синфга жойлаштириш имкони бўлмади, — дейди мактаб директори Шерали Камолов. — Жисмоний тарбия машғулотларини эса спорт залининг бўш томонида ўтказиб турганмиз.

Яна бир жиҳат, мактаб директорининг айтишича, 2014 йилда етиб келиши керак бўлган спорт инвентарлари “ҳамон йўлда” экан...

Тезузар маҳалласидаги 6-мактабнинг бошланғич ташкилот етакчиси Дилором Гафорова меъёрий ҳужжатлардаги талаб-партиципацион шундай изоҳлайди: — Ҳужжат юритишга нўноқлигимни тан оламан. Шу боис мен ишларни амалий бажарсам, директорининг маънавият ишлари бўйича ўринбосари ҳужжатларни юритади.

(Давоми 2-саҳифада).

Мактаблардаги ёшлар етакчиси ўғил-қизлар манфаати ва ҳуқуқларини ҳимоя қилиши, истеъдодларни қўллаб-қувватлаши, ижтимоий кўмакка муҳтож ёшлар ҳолидан хабар олиши ва уларга амалий ёрдам бериши, қисқача айтганда, Ёшлар иттифоқи номидан иш юритиши керак.

Кўришиб турибдики, мактаб укучиларининг келажак, орзуларининг рўёбга чиқиши етакчига боғлиқ. Ҳўш, етакчилар бу ишонччи оқляптими, деган саволга жавоб топиш учун Иттифокнинг Бухоро вилояти кенгаши мутахассислари билан ҳамкорликда мактаблардаги ахволни ўргандик.

Биринчи манзилмиз Шофиркон туманидаги 4-мактаб бўлди. Мактаб етакчиси Сухроб Жўраевни иш вақтида ўз ўрнидан топа олмадик. С.Жўраевнинг қўл телефонига қайта-қайта кўнгирик қилиб, у билан боғланган, уй юмушлари билан банд эканини, узокда бўлгани са-



ЎЗБЕКИСТОН — УМУМИЙ УЙИМИЗ!

Yoshlar ittifoqi loyihalari

Жиззахда Ёшлар ойлиги доирасида “Ўзбекистон — умумий уйимиз!” шиори остида “Халқлар дўстлиги” маданият кунлари бўлиб ўтди. Ёшлар иттифоқи ҳамда Вазирлар Маҳкамаси ҳузуридаги миллатлараро муносабатлар ва хорижий мамлакатлар билан дўстлик алоқалари кўмитаси ҳамкорлигида ўтказилган тадбир Дўстлик туманидаги Манас қишлоғидан бошланди.

Манас қишлоғи байрамона тус олди. Миллий маданият марказлари қошида фаолият кўрсатаётган бадиий хаваскорлик жамоаларининг куй-қўшиқлари йнғилганларда катта таассурот қолдирди. Тадбир доирасида таниқли ижодкорлар билан учрашувлар ўтказилди. Ижтимоий ҳимояга муҳтож, кам таъминланган оила вакиллари ҳолидан хабар олинди. Спортсевар ёшлар ўртасида



футбол, волейбол, стол теннис, шахмат, шашка мусобақалари ўтказилди. Якунда фаол ўғил-қизлар Ёшлар иттифокнинг эсдалик совгалари билан тақдирланди. — Лойиҳа орқали байналмилал маҳаллардаги оила фарзандлари билан учрашдик, — дейди Ёшлар иттифоқи миллатлараро тотувлик масалалари бўлими бош мутахассиси Мансур Бойсариев. — Масалан, Дўстлик туманидаги “Манас” маҳалласида жойлашган Чароғон, Анжирбоғ, Қумушкент, Чилонзор кўчаларида истиқомат қилаётган ногиронлиги бор оилалар ҳолидан

да яшовчи ногирон фарзандлари бор оилалар ҳамда “Ғалаба” маҳалласидаги Барокат кўчасида жойлашган Нурунийлар ва қариялар уйда яшовчи оилалар ҳолидан ҳам хабар олинди.

— Тадбирлардан асосий мақсад миллатлараро тотувлик диний бағрикенгликни кенг тарғиб этиш ҳамда ўзаро туташ кадрятларни тараннум этишдир, — дейди Ўзбек-қирғиз миллий маданият маркази раиси Раҳматилла Жабборов. — Қувонарли томони, Ўзбекистонда 130 дан ортик миллат ва элат вакиллари бир оила бўлиб яшаб келмоқда. Турли мамлакатларда қунора содир бўлаётган хунрезликларни кўриб, эшитиб турибмиз. Бу тартибсизликлар, нотинчликлар ўз-ўзиндан пайдо бўлаётгани йўқ. Биринчиси, миллатлараро муносабатлардаги адолатсизликлар туфайли бўлса, иккинчиси, динлараро можаролар оқибатидир. Юртимизда бошқа миллат вакиллари учун ҳам тенг шароитлар яратилганини кўриб, мингданнинг шукроналар айтишимиз керак. Айниқса, бундай бағрикенглик ва кадрятларни ёшларимиз орасида кенг тарғиб қилишимиз, уларни миллатлараро муносабатларга холислик руҳида тарбиялашимиз зарур

Хасан УСМОНОВ, Шерзод МАҲМУДОВ



(Бошланиш 1-саҳифада).

Мақтаб директорининг маънавий-маърифий ишлар бўйича ўринбосари Собир Аминов етакчининг хонаси зарур техник воситалар билан жиҳозлангани, ҳамкорликда ишлаш сени у ишни, мен бу ишни қиламан, деган тушунчани аниқлашганини айтди. Етакчининг гапи

ЎЗОЛМАГАН ОТГА УЗАНГИ БАҲОҲА

ёхуд етакка муҳтож етакчилар

Ўзолмаган отга узанги баҳона, деган мақолани ёдга туширди.

Иттифокнинг вилоят кенгаши мутахассисларнинг таъкидлашича, ёшлар етакчиларига меъёрий ҳужжатларни юритиш ҳамда ёшлар билан ишлаш бўйича доим семинар-тренинглар ташкил қилинади.

Бу вилоятдаги барча етакчиларнинг аҳволи шу дегани эмас. Масалан, Шофиркондаги 33-мактабнинг ёшлар етакчиси Ойсулов Хусновнинг фаолиятини намуна қилиб кўрсатса арзийди. Ваҳоланки, у фаолият юритаётган мактабнинг аҳволи аянчли. Сифхоналар таълим стандартларига мутлақо жавоб бермайди. На фаоллар зали, на тадбирлар ўтказишга хона бор. Тадбирлар қишда мактаб фойеси ёки сифхоналарда ўтказилади. Иситиш тизими ҳақида гапирмаса ҳам бўлади. Авария ҳолатидаги спорт залидан фойдаланиш аллақачон тўхтатилган. Мактаб стадионининг катта қисмида ҳудуд участка нозир учун уй қурилган бўлиб, бу ўқувчиларнинг стадионда футбол ўйнашига тўсқинлик қилади. Лекин етакчининг шижоати сўнмади. Режага кўра 2021 йилда мактаб капитал таъмирдан чиқади.

Лекин Ойсулов старлича имконият йўқлигидан нолиб, кўл қовуштириб ўтиргани йўқ. У ҳар бир ёшнинг қизиқиши билан ҳисоблашади. Бунга ўқувчиларнинг мактаб етакчисига муносабати, ўтказилган тадбирлару юритилаётган ҳужжатлар далилдор.

— Шофиркон туманидаги 12-, 13-, 16-мактабларнинг бошланғич ташкилоти етакчилари ўз вазифасини тўла бажара олмагани, — деди Ёшлар иттифоқи вилоят кен-

На фаоллар зали, на тадбирлар ўтказишга хона бор. Тадбирлар қишда мактаб фойеси ёки сифхоналарда ўтказилади. Иситиш тизими ҳақида гапирмаса ҳам бўлади. Авария ҳолатидаги спорт залидан фойдаланиш аллақачон тўхтатилган.

гаши ташкилий кадрлар бўлими мудири Муроджон Аминов. — Ташкил этилган тўғараклар тасдиқланган иш режа асосида ишламапти. Яқинда уларнинг фаолиятига амалий кўмак бериш учун бордик. Лекин уларнинг иш вақтида ўрнида бўлмағили дилини хира қилади. Шунингдек, 17-мактаб ўқувчилари стол теннис машғулотларида ўзлари тайёрлаб келган кўлбола ракеткалардан фойдаланаётганига мактаб дирек-



торининг ҳам, етакчининг ҳам бефарқлиги бизни ташвишга солди. Етакчи ўқувчиларнинг муаммоларини биладиган, ёшлар ташкилотининг мақсад ва вазифаларини теран аниқлайдиган бўлиши керак. Зеро, ёшларнинг тақдир етакчига боглик.


Иттифокнинг вилоят кенгаши берган маълумотларга қараганда, Пешку туманидаги 23-, Вобкент туманидаги 35-мактаб ҳамда Вобкент курилиш ва транспорт касб-хунар коллежи бошланғич ташкилот етакчилари фаолияти қоникарилади эмас. Шофиркондаги 1- ва 44-, Когон туманидаги 4-, Олотдаги 1-, Ромитандаги 7-, Вобкентдаги 6-мактаб етакчиларининг иши намунали.

Ўрганишлар ақсарият етакчиларнинг фаолияти қоникарилади эмаслигини кўрсатди. Демак, бу борада жиддий ўзгаришлар қилиш, бошланғич ташкилот етакчилари билан ишлашнинг таъсирчан механизмин жорий этиш фурсати етган.

Лайло ҲАЙТОВА

МИЛЛИЙ ЮКСАЛИШ САРИ

Tanishing: yangi kitob



Бугун жонажон Ватанимизда ёш авлод тарбияси, фарзандларимизнинг маънан етуқ ва юксак истеъдод соҳиблари бўлиб камолга етишлари учун барча имкониятлар яратилмоқда. Президентимиз Шавкат Мирзиёев томонидан ёлгари сурилган ёшлар маънавиятини юксалтириш ва уларнинг бўш вақтини мазмунли ташкил этиш бўйича бешта ташаббус ижроси доирасида жойларда амалга оширилаётган амалий ишлар, кўплаб истеъдод соҳибларини юзага чиқаришга хизмат қилмоқда.

Ўзбекистон ёшлар иттифоқи ҳамда Республика истеъдодли ёшларни кўлаб-қуватлаш "Улутбек" жамғармаси ҳамкорлигида китоб мутолааси ва китобхонликни кенг тарғиб қилиш мақсадлида

бошқичини бошлаб берди. Бу жараённинг амалий натижалари, белги ва хусусиятлари бугунги кунда ҳаётимизнинг барча жаҳалларида, энг муҳими, халқимизнинг онгу тафаккурини, интилиш ва ҳаракатлариди кўзга яққол ташланмоқда. Шу маънода, Ҳаракатлар стратегияси Ўзбекистонини тез суръатлар билан ўзгараётган замон талаблари асосида жадал ривожлантиришнинг илмий-назарий, амалий-конструктив асосларини белгилаб берадиган, тараққиётнинг янги даври учун мўлжалланган муҳим дастуриламалдир, десак айни ҳақиқат бўлади.

Бу кенг кўламли, ноёб ҳужжат давлатимизнинг барча соҳаларида янги ҳаётга ва мезонларни жорий этиш, аҳолининг барча қатламлари ўртасида ташаббускорлик, тадбиркорлик, эзу юртимиз тақдирини ва келажагини ўқувчи маъсулият қилуви ва ҳаётдаги самарали фаолият тартибини жорий этишда тобора хал қилувчи аҳамият касб этиб бораётганини ҳозирги кунда юртимизда ва хориздаги нуфузли эксперт ва таҳлилчилар, жаҳон сиёсат майдонида катта ўрин тутаётган атқилма давлат ва сиёсат арбоблари кенг эътироф этмоқда.

Ҳозирги вақтда давлат ва жамият бошқаруви барча бошқичларида танқидий таҳлил, каттиқ тартиб-интизом, қабул қилинаётган ҳар бир қону, фармон ва қарор, жорий этилаётган янгиликка онли муносабат биринчи ўринга чиқиб, ишчилик муҳити кенг қарор топиб бораётганига барчамиз гувоҳ бўлмоқдамиз.

Ҳаракатлар стратегияси асосида амалга оширилаётган ислохотлар мамлакатимизда нафақат ялпи кўтаринкилик руҳини таъминламоқда, балки одамларни очкилик, ошқоралик, шаффоқлик муҳитида яшаш ва ишлашга ҳам даъват этмоқда. Ҳар бир соҳани улкан таъсир кучига эга бўлган, фуқаролик жамиятини ажралмас қисми бўлган жамоатчилик назорати остида ривожлантириш зарурлигини кун тартибига қўймоқда. Бундай муҳитда инсоннинг

давлат, жамият ва ўзи олдида фуқаролик маъсулиятини тўла ҳис этиб яшаш, сўзи билан иши бир бўлишига риоя этиш, ватанпарварлик фазилатлари асосий мезон сифатида намоян бўлади.

Бу китобда Ҳаракатлар стратегияси асосида Ватанимиз тақдирини ва келажагини ўқувчи улкан аҳамиятга молик ўзгаришларнинг мазмуни, жамият ҳаётидаги ислохотларнинг моҳияти, Президентимиз Шавкат Мирзиёевнинг пурмаъно фикрлари орқали ёрқин ифода этилган.

Ўзбекистон Президентини жонажон Ватанимизни янада обод, халқимизни бахтли саодатга олиб чиқаришда кўмак ва зарур вазифаларини бажариш, миллий тикланишдан миллий юксалишга ва жадал тараққиётга эришиш имкониятини берувчи ислохотларни амалга оширишда миллатимизнинг жонқур лидери сифатида жонбозлик кўрсатмоқда. Бу йўлда нафақат мамлакатимизнинг бой ер ости ва ер усти захираларидан самарали фойдаланиш лозимлиги, балки шу улкан имкониятларни самарали рўёбга чиқаришга қодир бўлган инсон капитали, фол тадбиркорлик ва дўстона ҳамкорлик омилларининг хал қилувчи куч эканлигини Президентимиз Ўзбекистон Республикаси Конституцияси қабул қилинганнинг 26 йиллигига бағишланган тантанали маросимдаги маърузасида ҳамда Олий Мажлисга мурожаатномасида алоҳида қайд этди. Давлатимиз раҳбари ҳақиқатини равишда таъкидлаганидек:

"Билимни авлод буюқ келажақнинг, тадбиркор халқ фаровон ҳаётининг, дўстона ҳамкорлик эса тараққиётнинг кафолатидир!" Ана шундай эзу мақсад билан яратилган, раҳбарлар, тарғибчилар, олим ва мутахассислар, шунингдек, кенг китобхонлар оmmasига мўлжалланган ушбу китоб жамиятимиз ҳаётининг турли соҳаларини ривожлантириш, эркинлаштириш каби жараёнларни бошқаришда иштирок этаётган раҳбар кадрларнинг касбий маҳоратини ошириш, маънавий-ахлоқий кифасини шакллантиришга хисса қўшди, деган умиддамиз.

Азамат КАМОЛОВ,
Республика истеъдодли
ёшларни кўлаб-қуватлаш
"Улутбек" жамғармаси
масъул ходими

Jarayon



Ёш фермер ва олимлар учун

Бекзод Кенжаев Хоразм Маъмуни академиясида қишлоқ ҳўжалиги йўналишида илмий изланишлар олиб бораётган ёш олимлар ҳамда Урганч давлат университети талабалари билан очик мулоқот ўтказди. Хоразм Маъмун академияси илмий ходими Нафосат Жониева, Урганч давлат университети профессори Ойбек Эгамбердиев ва бошқалар қишлоқ ҳўжалиги соҳасида олиб бораётган илмий изланишлари лойихасини фонд мутахассисларига тақдим этди. — Барча саволларимизга жавоб олиб, соҳамиз бўйича янада кўпроқ маълумотга эга бўлдик, — дейди боғотлик ёш фермер Азамат Озодов. — Кичик грантлар дастури мутахассис қишлоқ ҳўжалигини ривожлантиришга доир китоблар тарқатди.

Соғиндик ЖАББОРОВ,
Ўзбекистон ёш фермерлари кенгашининг Хоразм вилояти ҳудудий бўлими бошлиғи

Sport



Жисмоний тарбия ва спорт вазири ҳамда Қиличбозлик федерацияси ҳамкорлигида Ўзбекистон терма жамоаси учун муносиб ўриндошларни саралаш олин, иктидорли спортчиларни аниқлаш мақсадлида илк бор пойтахтимизда "Олимпия умидлари" республика очик турнири бўлиб ўтмоқда.

Қиличбозликнинг хар учта (шпага, рапира, сабля) йўналишидаги яққалик баҳсларида юртимизнинг барча ҳудудлари ҳамда Қозогистон, Тожикистон республикаларидан келган жами 250 нафардан ортик спортчи қатнашмоқда.

— Сўнгги йилларда Ўзбекистон қиличбозлик федерацияси томонидан спортни янада ривожлантириш, спортчиларнинг машғулот ўташи ҳамда мусобақа ва халқаро турнирларга пухта тайёргарлик қўришлари учун қулай шароит яратишга алоҳида эътибор қаратилмоқда, — дейди халқаро тоифадаги ҳакам Анда Ҳасанова. — Бу каби ағъанавий турнирлар иктидорли ёш қиличбозларнинг маҳоратини намоян этиш учун қулай имкониятдир. Федерация томонидан юқори натижаларни қўлга киритаётган ёшларни кўлаб-қуватлаш, мураббийларнинг хар жиҳатдан рағбатлантириш, ҳакамлар маҳоратини оширишга алоҳида эътибор қаратилмоқда.

Турнир 12 июни қадар давом этади.

Дилноза АТОВА

Yuksalish

Божхоначиларимиз 1-ўринда

Шу йилнинг 6-8 июни кунлари Россия Федерациясининг Санкт-Петербург шаҳрида "i-Customs, Халқаро бизнес, инновациялар ва божхона томонидан тартибга солиш" VI халқаро ёшлар конференцияси бўлиб ўтди. Унда Россия, Ўзбекистон, Беларусь, Польша ва Озарбайжондан жами 32 нафар вакил иштирок этди. Конференцияда божхона маъмуриятчилиги, назоратда чегара хизматидан фойдаланишнинг истиқболлари, SMART чегаралар учун божхона назорати йўналишларида маъруза ва лойиҳалар тақдим этилди.

Мамлакатимиз Давлат божхона қўмитасининг Божхона институти курсантлари ҳам ўзининг соҳани ривожлантиришга қаратилган замона-

Хусан ТАҢГРИЕВ

Forum

Ўзбек — афғон дўстлиги

Термиз шаҳрида Сурхондарё вилояти халқ таълими бошқармаси ва Афғонистон Маориф вазирига бағишланган Балх вилояти раёсати ҳамкорлигида икки давлат ёшлари ўртасида дўстлик риштасини мустаҳкамлаш мақсадида "Жаҳолатга қарши маърифат" ширини остида дўстлик форуми ўтказилди.

Форумнинг биринчи кунинда Термиз шаҳрининг диққатга сазовор жойлари ва тарихий обидаларига медиа-тур ташкил этилди. Иштирокчилар вилоятнинг кўнгирок театрида ҳам бўлди.

— Театрга илк бор киришим, — дейди "Хону нур" хусусий мактабнинг 7-синф ўқувчиси Муҳаммад Умиджон. — Эртаси асосида саҳналаштирилган томоша бизда катта таассурот қолдирди. Тинч,

Наргиза РАҲМАТУЛЛАЕВА



“ТАЛАБАЛАР БАҲОРИ”:

бир макон, кенг майдон ва ўзаро дўстлашиш имконияти



Мурод ЗУФАРОВ, Ўзбекистон делегацияси раҳбари:

— “Талабалар баҳори” да қатнашган салкам икки минг нафар ёшнинг кўзлари ёниб турганини кўриб қувондим. Бу уларнинг юрагида ўти борлигидан, қалби қайноқ ва ишжасорат эканидан далолат беради. Кимга юзланманг, сизни очик чеҳра билан қарши олиб, дўстлашишга ҳаракат қилмоқда. Бундай самимият билан кўнглина муаммоларни ҳал қилса бўлади. Халқаро фестивалга ҳар бир мамлакат ўзининг ишонган вакиллари янги танишган. Аминманки, эртага айнан шу ёшлардан дунёни ўзгартира оладиган — илм-нифоқларни бартараф этиб, мамлакату миллатларни бир-бирига яқинлаштиришга қодир тинчликпарвар раҳбарлар етишиб чиқади.

дини намойиш этди. Нуфузли кўриқда Ўзбекистон шарафини фақат битта иштирокчи — Камолитдин Беход номидagi Миллий рассомлик ва дизайн институти талабаси Дилноза Гофурова химоя қилди. Шунга қарамай, биз сон эмас, савия билан бошқалардан устун чиқдик. Танловнинг Гран-при совринига айнан ҳамюртимиз лойик топилгани, шубҳасиз, бутун мамлакат учун қувончли ҳодисадир.

Ёш хонандаларни бир саҳнага жамлаган “Универверленне” халқаро музикаий танловини ҳам Ўзбекистон делегацияси катта ҳаяжон билан кузатиб борди. Бўлмаса-чи, ахир нуфузли беллашувда ҳамюртимиз Машхурбек Рамжонов катнашди. Ёш хонанда ижро этган “Мустаҳзод” таронаси қанчалик мураккаб ва вазмин оҳангда бўлмасин, юракларини ларзага солганлини задалга томошабинлар нигоҳидан пайқаш қийин эмасди.

— “Мустаҳзод” — асл ўзбек кўшиғи, — дейди Машхурбек. — Унда миллат руҳи яшайди. Шу боис қалбга тез етиб бора керак. Танлов орқали турли мамлакатларнинг санъати ва санъаткорлари билан танишдим. Хитой, арман, беларус дўстларимиз бир-бирига дуэт қўйишни таклиф қилди.

Мен йигирмага яқин давлатдаги турли танлов ва фестивалларда қатнашганман. Бирок Ставрополдаги дўстона муҳитни ҳеч жойда учратганим йўқ. Бу ерда ўзимиз эмас, Ўзбекистонимизни намойиш этдик. Мамлакатнинг юзи бўлиш осон эмас. Ўйлашимча, Ўзбекистон делегацияси ҳамма-нинг ёдида қолди. Бизни энг самимий, хушчакчақ, очиккўнгли, санъатсевар жамоа сифатида эътироф этишди. Шаҳсан мен “Талабалар баҳори” халқаро фестивалидаги иштирокчимиз исиз кетмади, деган фикрдиман.

Талаба-кизилар ўртасидаги халқаро гўзаллик танлови ҳам барчада ёрқин таассурот қолдирди. Ўзбекистон номидан ушбу лойиҳада Лазиза Ҳайдарова иштирок этди. Рус, беларус, қозок, киргиз, туркман, латин, хинд, комбоджалик гўзаллар билан бир сафта туриб ўзбекона дутф ва нафосатни намойиш этган ҳамюртимизни делегациямизнинг барча аъзолари олқишлаб турди. Ҳалаб бизга насиб этмаган бўлса-да, бирок нуфузли лойиҳада иштирок этганимизнинг ўзи катта ютуқдир.

Фестиваль иштирокчилари зерикиб қолмаслиги учун ташкилотчилар барчани таъби-дидига қараб альтернатив машғулотларни таклиф қилди. Масалан, делегациялар ўртасида футбол бўйича дўстона турнир ўтказилди. Ўзбекистон яна пешқадам! Ийгиликларимиз охиригача курашиб, финалда фақат пенальтилар серияси бўйича Қозоғистон ва Қирғизистон делегатларидан ташкил топган терма жамоага ютқазиб қўйди.

Киберспорт бўйича Ўзбекистон ёшлар иттифоқи ходими Ботир Синдоров туртинчи ўринни қўлга киритган бўлса, юзурши марафонда бир қанча вакилларимиз фаол иштирокчи учун фестивалнинг махсус медаллари билан тақдирланди.

Форулар ишида фаол қатнашган бир қанча Ўзбекистонлик делегатларга эса ташкилотчилар номидан ташаккурномалар топширилди. Танлики эстрада юлдузлари иштирокчидаги концертлар, Кавказ тоғлари бағрида жойлашган санаторий-курорт шаҳарлар — Пятигорск ва Кисловодск бўйлаб саҳнат “Талабалар баҳори” иштирокчиларининг фестивал ҳақида хотирларини янада бойитди.

Наргиза УМАРОВА

Тошкент – Москва – Ставрополь – Тошкент

(Бошланиши 1-саҳифада).

Меҳмонларни қутлаш учун саҳнага Ставрополь вилояти губернатори Владимир Владимиров, Россия давлат думаси маданият қўмитаси раисининг биринчи ўринбосари Ольга Казакова, мамлакат Ёшлар иттифоқи раиси Павел Красноурцкий ва бошқа мартабали шахслар таклиф қилинди.

Россия Федерацияси Президенти Владимир Путиннинг фестивал иштирокчиларига йўлаган табриғи ўқиб эшиттирилди. Таъкидланганидек, йирик лойиҳа негизда ёш мутахассислар учун мулоқот майдонини яратиш мақсади ётибди. Ташкилотчилар айнан шу жиҳатга ургу бергани бежиз эмас. Зотан, катта умид билан айтиш мумкинки, “Талабалар баҳори” да қатнашган йигит-қизлар келгусида ўз мамлакатларининг элитасига айланади. Бугун улар бир-бирини тингласа, минтақавий ёки глобал миқёсдаги муҳим масалалар бўйича умумий қарашларни шакллантириб олса, эртага раҳбар сифатида бир-бирини тушуниши осонлашади. Сиёсий қарорлар қабул қилишда яқдиллик ва ўзаро ҳурмат пайдо бўлади.

Юқоридagi ёндашув халқаро фестивал дастуридан ўрин олган форумлар ишида янада яққол кўзга ташланди. Делегатлар учта йирик гуруҳга бўлинган ҳолда ШХТ ва БРИКС тузилмалари доирасида ижтимоий дипломатияни ривожлантириш, оммавий ахборот воситаларининг профессионал фаолиятини рақамли дунё талабларига мослаштириш, анъанавий ва ноанъанавий таълимда янги усуллардан фойдаланиш масалаларини муҳокама қилди. Мавзуга доир тақдиротлар тайёрлаб келган делегатларга сўз берилди.

Жумладан, ШХТ ва БРИКС мамлакатлари ёш лидерларининг IV форумида қатнашган афғонистонлик мустақил журналист Мина Нодери ўз юртида аёллар ҳуқуқларини таъминлаш борасида қилинаётган ишлар ҳақида гапирди.

— Афғонистонда толибонлар ҳуқуқат тепасидан кетганига салкам йигирма йил бўлди, — дейди Мина Нодери. — Ҳозир халқимиз демократик тамойиллар асосида ҳаёт кечирмоқда. Аёлларга бирмунча эркинлик берилган. Олис кишлоқларни ҳисобга олганда, деярли барча ҳудудларда хотин-қизлар таълим олиши, ишлаши, тиббий хизматдан фойдаланиши мумкин. Биз хатто парламентга сайлашни ҳуқуқига эгамиз. Қонун чиқарувчи органда аёллар учун 25 фоизлик квота ажратилган. Форум орқали мана шундай ўзгаришлар ҳақида дунё ёшларини хабардор этгим келди. Албатта, бизда муаммолар ҳали жуда кўп. Аҳолининг яшаш шароити паст, коррупция бартараф этилмаган. Ташқаридан ёрдамга муҳтожмиз. Ватанимдаги вазият халқаро ҳамжамият эътиборидан четда қолмаслигини хоҳлардим. Мав-

рузамнинг асосий гоёси ҳам шу эди. Афғонистон делегациясининг яна бир вакили Аҳмад Навид тадбиркор. Унинг шахсий авиакомпанияси бор. Фестиваль доирасида бўлиб ўтган халқаро бизнес-форумда тенгдошимиз Ўзбекистоннинг тадбиркорлик саноияти ва ёш тадбиркорларга яратиб берилаётган шароитлар ҳақида батафсил маълумот олганини таъкидлади. — “Yoshlar — kelajagimiz” жамғармаси вакиллари билан мулоқот қилдим, — дейди Аҳмад Навид.

— Ўзбекистонлик ёшларга тадбиркорлик фаолиятини бошлаш учун жуда паст фойза ставкасида имтиёзли кредитлар ажратилаётгани мени ҳайратлантирди. Бунақа имконият ҳеч жойда йўқ. Афғонистонга халқ истеъмоли молларининг 80 фоизи четдан олиб келинади. Бу жиҳатдан, аввало, яқин қўшниларимиз билан ҳамкорлик қилишдан манфаатдормиз. Хусусан, Ўзбекистон билан чегаравий масалада муаммо йўқ. Транспорт логистикаси яхши йўлга қўйилган. Сизларда текстиль, озиқ-овқат саноати анча ривожланганини биламан. Маҳсулотларни Ўзбекистондан экспорт қилсак ёки қўшма корхоналар очсак, нур устига нур бўларди. Форумдаги мулоқотлар давомида бунинг учун имкониятларимиз етарли эканига яна бир қарра ишонч ҳосил қилдим.



Муса ВАРДАК, Афғонистон делегацияси раҳбари:

— Афғонистонда ёшлар ҳаракати, жамоатчилик фаолияти энди-энди йўлга қўйилляпти. Халқаро фестивал бизга, аввало, бошқа мамлакатларнинг бу борардаги тажрибаси билан танишиш имконини берди. Юртимга кўп билим орттириб қайтдиман. Россия маданият марказининг ваколатхонаси орқали олган маълумотларни афғон ёшларига, албатта, етказамиз. Ўзбекистон билан ҳам қўшма лойиҳалар амалга ошириш бўйича таклифларим бор.

кистон, Қозоғистон, Комбоджа Қироллиги, Вьетнам, покестонлик журналист ҳамда блогерларнинг чиқишлари тингланди.

Юртимиз делегатлари фестивал иштирокчиларини Ўзбекистон ёшлар иттифоқи муассислигидаги оммавий ахборот воситалари, Ёшлар медиа-маркази ҳамда Ёшлар пресс-клуби фаолияти билан таништирди. “Yoshlar ovozi” ва “Молодежь Узбекистана” газеталари, “Yosh kuch” журналининг охириги сонлари тарқатилди. Ватанимиз сайёҳлик салоҳиятига бағишланган промо ролик намойиш этилди.

Тенгдошларига энг кўп совға улашган ҳам Ўзбекистон делегацияси бўлди. Фестивалнинг охириги кунда вакилларимиз барча иштирокчиларни “Лазги” рақсига қорлаб, II ёш журналистлар форумига аjoyиб ва унутилмас яқун ясади.

Форум ишида “Russia today” ҳамда “Большая Азия” телеканаллари раҳбарлари, “Mail.ru Group” технология компанияси, Москва давлат университети қошидаги Ахборот-технология маркази етакчи мутахассислари, Шимолий Кавказ федерал университети ва Олий иқтисодиёт мактаби ўқитувчилари,



профессионал фотожурдорлар қатнашиб, журналистика касбининг эртанги кунини, онлайн журналистика, журналистика ва халқаро муносабатлар, ахборот узатишда географик хариталардан фойдаланиш, виртуал маконда журналистик маҳорат ёрдамида пул ишлаш усуллари, фотография санъати ҳуеусида маърузалар қилди. Хитойнинг “Синьхуа” ахборот агентлиги, Беларус Республикасида нашр этиладиган “Знамя юности” газетаси ва “Томель” телеканали, Қозоғистондаги “Любимый город” электрон газетаси, Россияда фаолият кўрсатаётган Талабалар телевидениеси халқаро ассоциацияси ҳамда Ёшлар лойиҳалари марказининг маъсул ходимлари ҳам сўзга чиқди. Жонли мулоқот ва савол-жавобларда Россия, Ўзбекистон, Арманистон, Беларус, Қозоғистон, Грузия, Шимолий Осетия ва Чеченистон Республикалари журналистлари фаол қатнашди.

“Талабалар баҳори” халқаро фестивалнинг учинчи профессионал майдонига айланган ШХТ ва БРИКС мамлакатлари таълим форуми ҳам кизикарли учрашуларга бой ўтди.

— Турли мамлакатларнинг таълим тизими, таълимнинг янги форматлари,



Лейла АГХАЕВА, Озарбайжон делегацияси аъзоси:

— “Талабалар баҳори” мен учун янги танишулар майдонига айланди. Жумладан, ўзбек дўстларим сафи ҳам кенгайди. Тасвирий санъат музейида ишлайман. Янги ҳамкорлар топиш, қўшма лойиҳалар амалга ошириб, ёшларимизнинг маданият соҳаси, ижтимоий фаоллигини ошириш биз учун ҳаммиса муҳим. Халқаро фестивал давомида фойдаланиш маълумотларга эга бўлиш баробарида, туриш делегациялар раҳбарлари билан учрашувлар ҳам ўтказдик. Ўйлаيمانки, яқин орада икки томонлама мулоқотлар ўз мевасини беради.





Muallifga maktub

“CHIN GAPLAR KO'NGILDA BO'LADI...”

“Adabiyot ko'ngil ishi, ilhom samarasi. Tuyg'usiz, ilhomsiz yozilgan asar changlanmagan gulga o'xshaydi, meva tugmaydi. Ko'ngil rozi bo'lgan asargina kitobxonning ko'ngliga yo'l topadi, kitobxonning ko'nglida meva tugadi”.



Assalomu alaykum, ustoz. Qo'linga qissalar to'plamingizni oldim-u birinchi bo'lib “Oydinda yurgan odamlar”ingizni o'qishga kirishdim.


sining dashnomiga chidadi, onasining boshqaga uylan degan ohiga ko'z yumdi. Onamizni o'yladi. Najot tilab, doktor-ga bordi, tabib eshigini qoqdi.

yo'lgan otimiz yosh boladek suyundi, tanishlariga bildirib, ko'krak kermoqchi bo'ldi. Ammo bu sevinch ham sarob bo'ldi.

Ustoz, balki hayotda ularning taqdiri shunday kechgandir, buni o'zgartira olardingiz, degan e'tirozim bo'ldi.

“Bobomiz jilmaydilar. — Ana, bizning bolalarimiz! — dedilar. — Hazrati Xizr bo'vajanom, umringizdan baraka toping!”

Ro'ziqul OCHILOV



Men Qoplonbekni o'qimadim, ko'zlarim bilan bo'y-bastini ko'rdim, Oymomoning ko'nglida kechmish og'riqlar ta'mini sezdim (besh yoshida ota-onasidan yetim qolgan qizning yangasidan hadikisirashi-yu uning ko'ngliga yo'l topish mashaqqatlar).

Qoplonbek otimiz xalq orasida bolasizligini yuziga solmasliklari uchun “tili qisiq” bo'ldi.

Qoplon otimiz ahdiga sodiq turdi. Otamiz halollikda o'mak bo'ldi.

Pul uchun, dunyodan nasibasi allaqachon uzilgan kishilarni tirik, qarilik gash-tini surib yuribdi, deya yolg'on gapirishdan qaytmagan kotib qo'lida ishlashni or bildi.

Hayot sabog'i



Qabristonga mayitni qo'yib kelayotganlar orasidan kimdir luqma tashladi: “Sayfilla deganlari go'rkovni ham rozi qilmagan, chog'i”. Bu kinoya-li so'zda asos, haqiqat bor edi.

Aqlga sig'maydigan ishlar bo'lar ekan bu dunyoda. Kechasi uyquga yotgan o'g'li ertalab turmadi. Onda-sonda boshi og'rib turishini aytmasa, soppa-sog', alpoqmat yigit bir kechada omonatini topshirdi-qo'yd...

Onamning mazasi yo'q, kasalxonaga yotqizmasam bo'lmaydi, — dedi poydevor qo'yan ustalardan biri. — Shunga, haqqimni tezlatasangiz, aka.

Usta xuddi gunoh ish qilib qo'ygandek Sayfillaga mo'ltiradi.

Cho'ntagimda boriga sement, alebstr olib qo'ygandim, ko'chib ketganim yo'q, bera-man, — dedi u bezrayib.

Katta qurilishni rejalagan bu nokas nasiyani poydevordan



boshladi. Hay-haylagan, ikki qavatli qasmonand uy bitguncha qancha usta ishlagan bo'lsa, ularning qo'li bir miri ko'r-madi. Saratonning tig'i, qishning chillasida zahmat chekib ishlagan bechoralar ham mehnat qilib, ham imonsiz Sayfillaning oyog'iga yiqilgudek bo'lib haqlarini so'rardi.

Endi, Sayfilla, gapimni eshit, — dedi chol bosiqlik bilan. — Xalqimizda “Mardikorning teri qotmay, haqini ber”, degan naql bor. Ota-bobolarimiz imorat solsa, ustalarimiz izzatini joyiga qo'ygan, rozi

qilib, to'n kiydirgan. Loy ishi og'ir. Usta dili o'ksib, bitgan imorata tinch-osoyishta yashab bo'lmaydi.


El gapini ikki qilmaydigan mo'ysafidning so'zlari Sayfillaga chivin chaqqanchalik ham ta'sir qilmadi. Atay qilgan-dek kungirador qilib qurilgan uylarni jihozlarga to'ldirdi. Qishloqchilik — yuz-xotir degan narsalar bor. Oddiygina, bundaylarni Xudoga solib qo'yishadi. Haqini ololmagan ustalarining dodi Tangriga yetdimi, Sayfilla uch qizdan so'ng tilab olgan navqironidan ayrildi.

Yaratgan — oliy hakam. Har bir savob-u gunohning ajri bor, albatta.

Nasiba ABDULLAYEVA

“O'ZBEK TOPISHMOQLARI” boshqotirmasi

- Raqamdan o'ngga: 1. Qozonda emas, qaynaydi, Qishin-yozin tinmaydi. 2. Zaynab qoldi bechora yakka, Kimsa kelmas unga ko'makka, Na bir... na bir oshiyon, Na bir g'amxo'r, na bir mehribon. H.Olimjonning “Zaynab va Omon” dostonidan. 3. Yerga tushsa loy qilar, Dehqonlarni boy qilar. 4. Ko'k ko'yilakka qo'l yetmas. 5. Yerd chirimaydi, Suvda zanglamaydi. 6. Qo'yvorsam yuz quloch, Yig'ib olsam bir quloch. 7. Gulsi bo'lar mevasi, Shirin-shirin donasi.



- Raqamdan chapga: 1. Boshi bor-u sochi yo'q, Ko'zi bor-u qoshi yo'q, Tangasi bor, puli yo'q, Qanot bor, uchuvi yo'q. 2. Yettisi bir yerga yig'ilsa, Beshtasi bir yerga yig'iladi. 3. “Yana vijdonan, iffatdan da'vo yuritadilar! — ... li ko'zlarida yana g'azab toshib dedi Iskandarov”. Oybekning “Nur qidiri” asaridan. 4. Ikki o'rim sochi bor, Qotma, qing'ir qanoti. Yukni yengil qilar, Yelka minish odati. 5. “Mengliboy chakmonini yelkasiga tashlab, qo'yarlardan xabar olgani tashqariga chiqqanda, sutdek ... edi”. S.Ahmadning “Yulduz” asaridan. 6. “Yusufbek hoji Otabel bilan biror to'g'rida so'zlashmoqchi bo'lsa, uni... mehmonxonaga chaqirib yoki chaqirtirib oladir”. A.Qodiriyning “O'tkan kunlar” asaridan. 7. “Saidiy xatni ikki-uch qayta o'qigandan

so'ng, o'zini ... bosib olib, atrofqa qaradi”. A.Qahhorning “Sarob” asaridan.

- Doira bo'ylab: 8. Tomda turib gilam qoqdim, Changi jahonga ketdi. 9. Tapa ustida buki sichqon o'ynaydi. 10. Xotinlar chekka-chekkadan tobora qattiq yopishardi. ... Shakar ming'illab tilga kirdi. Hakim Nazimning “Ko'kterak shabadası” asaridan. 11. Bir uy bor: Ko'r bo'lib kirasana, Ko'zli bo'lib chiqasana. 12. O'zi mitti, Ovozi olamga yetdi. 13. Kasbi doim taqir-tuqur, Qayda ilon ko'rsa cho'qir. 14. Eksang bitar, isi hamma yoqni tutar. 15. Kaltacha bobom loy tepar. 16. O'zi qovoq, Boshida tovoq. Og'zida kamay Tunlari hay-hay. 17. Oq yer ochdim, Qora bug'doy sochdim. 18. Bir qarichcha bo'yi bor, Ola chipor to'ni bor. 19. Binoning old tomondagi, peshtaq va ustunlar bilan bezatilgan qismi. 20. Qora biyam qalt etdi, Qobirg'asi yalt etdi. 21. “Ichkari hovli keng, gulzor, baland so'riga ko'tarilgan toklar. ... husayni uzumlar g'arq pishib, boshlari osilib turibdi”. Y.Shamsharovning “Tosh-qin” asaridan.

Tuzuvchi: Shavkat HIDOYATOV

MUASSIS O'ZBEKISTON YOSHLAR ITTIFOQI MARKAZIY KENGASHI Gazeta O'zbekiston Matbuot va axborot agentligida 2017-yil 2-avgustda № 0242 raqami bilan qayta ro'yxatdan o'tgan.

BOSH MUHARRIR Faxriddin KARIMOV TAHRIR HAY'ATI Mansur Bekmurodov, Begmat Ochilov, Madamin Safarov, Azim Mirzajonov, Mehriroz Abbosova, Ra'no Shodiyeva, Shodmonqul Salomov, Hamza Abdullayev — bosh muharrir o'rinbosari (“Yoshlar ovozi”), Irina Kochergina — bosh muharrir o'rinbosari (“Молодежь Узбекистана”), Javlon Vafoyev — mas'ul kotib (“Yoshlar ovozi”), Yelena Kallina — mas'ul kotib (“Молодежь Узбекистана”)

Navbatchi Boboravshan GOZIDDINOV Dizayner Xurshid ABDULLAYEV Gazeta materiallari tahririyat kompyuter markazida teriladi va sahifalantadi.

Tahririyat manzili: 100083, Toshkent, Matbuotchilar ko'chasi, 32. Telefonlar: (71) 150-22-74, (71) 233-95-97, (71) 233-79-69 (faks)

“Sharq” nashriyot-matbaa aksiyadorlik kompaniyasi boshmaxonasida, A-2 formatda chop etildi. Hajmi — 2 bosma taboq. Korxonada Buyuk Turon ko'chasi, 41. Indeks: 203, 3203 Bahosi kelishilgan narxda. Buyurtma G-613 Adadi — 20926 Boshlagan topshirish vaqti — 21.00 Topshirildi — 23.30 O'zA yakuni — 21.30